



Број/Број: 03-50-1-60-8-2/10  
Сарајево/Sarajevo 05.04.2010. godine

## ZAPISNIK

### 8. sjednice Odbora za žalbe građana Parlamentarne skupštine Bosne i Hercegovine, održane 30.03.2010.

Osmu sjednicu Odbora za žalbe građana Parlamentarne skupštine BiH sazvaо je predsjednik Odbora, Mate Miletić.

Sjednici Odbora, u svojstvu članova, prisustvovali su: Amela Bašić – prva zamjenica predsjednika, Borislav Radić – drugi zamjenik predsjednika, Danica Berić, Marijan Milićević i Hamida Karčić - članovi, Željko Grubešić – savjetnik u Odboru, te Aida Kreho - privremena tajnica Odbora za žalbe građana Parlamentarne skupštine Bosne i Hercegovine.

Opravdano nenazočan bio je Ermin Pešto.

Sjednici su također prisustvovalе Simonetta Silvestri i Fatima Miletić iz Policijske misije Europske unije.

Sjednica Odbora počela je u 13 sati.

Nakon što je konstatirano da postoji kvorum, predložen je sljedeći

## DNEVNI RED

1. Usvajanje zapisnika sa 7. sjednice Odbora za žalbe građana Parlamentarne skupštine Bosne i Hercegovine;
2. Razmatranje materijala Granične policije BiH;
3. Razmatranje zaprimljenih žalbi na rad pripadnika Državne agencije za istrage i zaštitu;
4. Tekuća pitanja:
  - a. Razmatranje materijala Policijske misije Europske unije i način ispunjavanja obaveza iz Plana rada Odbora za žalbe za 2010. godinu;

- b. Razmatranje zabilješke sa sastanka članova Odbora za žalbe građana sa predstavniciima Državne agencije za istrage i zaštitu i Granične policije BiH;
- c. Razmatranje sadržaja brošure o radu Odbora za žalbe građana;
- d. ostalo.

Dnevni red je jednoglasno usvojen.

#### **Ad.1. Usvajanje zapisnika sa 7. sjednice Odbora za žalbe građana Parlamentarne skupštine Bosne i Hercegovine**

Zapisnik sa 7. sjednice Odbora za žalbe *jednoglasno je usvojen.*

#### **Ad.2. Razmatranje materijala Granične policije BiH**

Granična policija BiH je, u skladu sa Zaključkom prihvaćenim na sastanku članova Odbora za žalbe građana sa predstavnicima Granične policije BiH, održanim 02.03.2010. godine, dostavila Odboru za žalbe građana sljedeće dokumente:

1. Izvod iz Pravilnika o unutarnjoj organizaciji;
2. Uputstvo (standardi) za rad unutarnje kontrole;
3. Obrazac početnog izvješća o žalbi protiv službenika;
4. Obrazac potvrde o žalbi građana;
5. Obrazac registra o uporabi sile;
6. Obrazac policajčeve zakletve;
7. Etički kodeks DGS-a;

Nakon kratkog uvida u dostavljenu dokumentaciju, Predsjednik Odbora za žalbe građana predložio je da za narednu sjednicu Odbora za žalbe građana, svi članovi Odbora pripreme prijedlog izmjena, dopuna ili sugestija na tekst akata koje je Odboru dostavila Granična policija BiH, u cilju poboljšanja sadržaja akata i njihovog usklađivanja sa Zakonom o neovisnim i nadzornim tijelima policijske strukture i Poslovníkom o radu Odbora za žalbe građana Parlamentarne skupštine BiH.

Članovi Odbora *jednoglasno su prihvatili* prijedlog Predsjednika Odbora.

### **Ad.3. Razmatranje zaprimljenih žalbi na rad pripadnika Državne agencije za istrage i zaštitu**

Članovi Odbora za žalbe građana razmatrali su tri žalbe dostavljene Odboru od Državne agencije za istrage i zaštitu na postupanje pripadnika policijskih službenika BiH (pripadnika SIPA-e).

Nakon što su se upoznali sa sadržajem pristiglih žalbi, članovi Odbora zaključili su dostaviti obavijest o zaprimanju podneska podnosiocima žalbi, te poduzeti i ostale aktivnosti s ciljem što skorijeg rješavanja zaprimljenih žalbi.

### **Ad.4. Tekuća pitanja**

#### **a) Razmatranje materijala Policijske misije Europske unije i način ispunjavanja obaveza iz Plana rada Odbora za žalbe za 2010. godinu**

Predstavnici Policijske misije Europske unije, Simonetta Silvestri i Fatima Miletić, ukratko su prezentirali materijal „Odbori za žalbe građana – svijet – primjeri“, te informirali članove Odbora sa mogućnostima pomoći Odboru od strane EUPM-a, a u vezi s ispunjavanjem obaveza iz Plana rada Odbora za 2010. godinu.

Policijska misija Europske unije obećala je podršku i pomoć u tom pravcu i u mjeri u kojoj EUPM to bude mogao.

U svezi sa studijskim putovanjima članova Odbora, s ciljem upoznavanja s radom odbora u zemljama u kojima su oni već uspostavljeni, članovima je preporučeno da se obrate Europskoj komisiji, koja bi putem svog Programa za pružanje tehničke pomoći i razmjenu informacija (TAIEX), mogli Odboru izaći u susret u smislu uspostavljanja kontakta sa relevantnim osobama i institucijama.

Također, članovi Odbora odlučili su zadužiti g. Miletića, g. Peštu i gdju. Bašić da održe sastanke sa predstavnicima OSCE-a i USAID-a, kako bi se obaveze Odbora predviđene Planom rada za 2010. godinu ispunile na odgovarajući način.

#### **b) Razmatranje zabilješke sa sastanka članova Odbora za žalbe građana sa predstavniciima Državne agencije za istrage i zaštitu i Granične policije BiH**

Zabilješka sa sastanaka članova Odbora za žalbe građana i predstavnika Državne agencije za istrage i zaštitu i Granične policije BiH primljena je k znanju.

**c) Razmatranje sadržaja brošure o radu Odbora za žalbe građana**

Članovi Odbora jednoglasno su prihvatili sadržaj teksta brošure (letka) na temu formiranja i rada Odbora za žalbe građana Parlamentarne skupštine BiH, te odlučili uputiti prijedlog sadržaja Informacijsko-dokumentacijskom sektoru (Odjel za izdavačku djelatnost i publikacije) Parlamentarne skupštine BiH.

**d) Ostalo**

Rasprava nije vođena.

Sjednica Odbora za žalbe građana Parlamentarne skupštine Bosne i Hercegovine završena je u 14.30 sati.

Privremeni sekretar  
Odbora za žalbe građana  
Aida Kreho

Predsjednik Odbora  
za žalbe građana  
Mate Miletić